

Atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersoq

Atuarfik pillugu Inatsisartut peqqussutaanni nr. 8, 21. maj 2002-meersumi, inatsisartut peqqussutaatigut nr. 8, 15. april 2003-meersukkut allanngortinneqartumi, § 17, imm. 4 aamma § 18, imm. 1 – 3 naapertorlugu aalajangersarneqarput:

Kapitali 1

Atuartitsinerup aaqqissorneqarnera nassuiaatillu

§ 1. Atuartitsissutini tamani atuartitsinerup aaqqissorneqarnera, atuartitseriaatsit suleriaatsillu atorumasat ilanngullugit, periutsit, atuartitsinermilu atortut atortussanillu atugassanik toqqaasarneq atuarfiup siunertaanut, alloriarfiit ataasiakkaat siunertaannut, atuartitsissutit ataasiakkaat atuartitsissutillu qanitariissut siunertaannut aamma ilikkagassatut anguniagassanut naapertuuttuussapput. Atuartitsineq allan-ngorartuussaaq, atuartut ataasiakkaat pisariaqartitaannut piginnaariigaannullu naapertuuttuussalluni, tak. § 17, imm. 1 atuarfik pillugu inatsisartut peqqussutaanni.

Imm. 2. Atuarfiup pisortaata atuartitsinerup pilersaarusionerqarnermigut aaqqissuunneqarnermigullu atuartunut tamanut unamminartoqartinneqarnissaa qularnaassavaa, tak. § 17, imm. 2 Atuarfik pillugu inatsisartut peqqussutaanni.

Imm. 3. Atuartitsissutini tamani ilinniartitsisoq atuartorlu suleqatigiillutik ingerlaavartumik anguniagassaliortassapput. Atuartup sulinissaa anguniagassaliarisimasat tunngavigalugit aaqqissuunneqartassaaq. Suleriaatsinik, periutsinik aamma sammisassanik toqqaanerit aalajangersaanerillu ilinniartitsisut atuartullu suleqatigiinnerisigut ingerlanneqartassapput, tak. § 17, imm. 3 atuarfik pillugu inatsisartut peqqussutaanni.

§ 2. Nalunaarusiaq atuartup ilikkagassatut anguniagassanut naleqqiullugu atuartitsissutini piginnaasaanik nalilersuinerit paasineqassaaq ingerlaavartumillu naliliineq, nammineerluni suliamik saqqummiussineq, aalajangersimasumik sammisaqarluni suliaqarneq allattariarsorlunilu misilitsinnerit tunngavigalugit tunniunneqassalluni.

§ 3. Ilasutaasumik oqaaseqaatit ilinniartitsisup atuartup atuarfimmi sulineranik, inuttut inooqataanikkullu inerikkiartorneranik aamma atuarfimmi inooqatigiinnermut peqataaneranik nalilersuineratut paasineqassapput.

§ 4. Angusat tunngavigalugit karakterit atuartup ilikkagassatut anguniagassanut naleqqiullugu atuartitsissutaasuni piginnaasaqassusaanik nalilersuinerit paasineqassapput.

§ 5. Nammineerluni suliamik saqqummiussineq ukiup atuarfiusup ingerlanerani atuartup nammineerluni suliarisimasaminik saqqummiussineratut paasineqassaaq.

§ 6. Ilikkagassatut anguniagassat paasineqassapput tassaasut alloriarfiit pingasut naammassinerini atuartitsissutini ataasiakkaani atuartitsissutillu qanitariissut ilisimaligassatut piginnaasaqarfigiligassatullu anguniagassat atuartut piginnaasaqarfigisassaattut naatsorsuutigineqartut. Ilikkagassatut anguniagassat ilinniagassatut naligiissillugit aggugaapput ingerlaavartumillu nalilersuinermit kiisalu alloriarfiit pingasuusut tulleriaarlugit naammassinerini qitiusumit aalajangersakkanik naliliisarnermut tunngaviliisuullutik.

§ 7. Atuartitsissutit siunertaat tassaapput atuarnep ingerlanneqarnera tamaat atuartitsissutini ataasiakkaani atuartitsissutillu susassaqrifiini atuartitsinermit siunertarineqartussat. Atuartitsissutit siunertaat immikkoortunut sisamanut naligiissillugit aggugaapput atuartitsissutini ataasiakkaani aamma atuartitsissutit susassaqrifiini isiginnittaatsinik assigiinngitsunik sisamanik ersersitsisuullutik, ukuusunik:

- 1) ilisimasassat piginnaasassallu,
- 2) inummut imminermut tunngasut,
- 3) inooqatigiinnermut tunngasut aamma
- 4) kulturilerinnermut inuiaqatigiilerinnermullu tunngasut.

Kapitali 2

Iliusissatut pilersarusiat naliliinerlu

§ 8. Klasselærerip isumagisassaraa atuarfiup angerlarsimaffiullu oqaloqatigiinnissaat sioqqullugu atuartup minnerpaamik ukiumut marloriarluni ilinniartitsisuni suleqatigalugit iliuusissatut pilersarusiamik suliaqartarnissaa.

Imm. 2. Iliusissatut pilersarusiaq makkuninnga imaqaassaaq:

- 1) atuartup anguniagassai ilikkagassatut anguniagassanut naleqqiunneqarsimasut,
- 2) angajullerni aammattaaq atuartup ilinniagarilerusutatut kissaatai.

Imm. 3. Iliusissatut pilersarusiaq ima ilusilersorneqartassaaq:

- 1) atuartup nammeneq anguniakkaminik angusinissaanut tapersersuutaassalluni,
- 2) atuartup nammeneq anguniakkani angusimanerlugit imaluunniit qanoq annertutigisumik anguniakkani angusaqarfigisimanerlugit nalilersorsinnaassallugu.

§ 9. Atuartitsinerup ilaatut atuartup ilinniartitsisuisa atuartup atuartitsissutigineqartuni pissarsiai ingerlaavartumik naliliiffigisassavaat. Atuartup nammeneq imminut nalilersornera aallaavigalugu naliliisoqartassaaq.

Imm. 2. Naliliinerup ukununga tunngavissaliinissaaq siunertaraa:

- 1) atuartitsinerup pilersarusiorneqarnerata ingerlateqqinnissaa,
- 2) atuartumut taassumalu angajoqqaavinut atuartup atuaqqinnissaa ilinniagaqaqqinnissaalu pillugit siunnersuinissaaq,
- 3) § 15-imi taaneqartutut ilinniartitsisup nalilersuisarnissaa.

§ 10. Ilinniartitsisup ingerlaavartumik naliliinerminut atuartitsinerullu aqqissorneqarneranut atugassaminik atuartut ataasiakkaat, klassip ingerlaqatigiilluunniit tamarmiusut atuartitsissutigineqartunit pissarsiaqarnerisa iluini ineriartorneq malinnaaffigissavaa.

Akuttuallaanngitsumik atuartut ineriartornerat ataasiakkaarlugit ataatsimoortillugillu oqaloqatigiissutigineqartassaaq.

Imm. 2. Atuartitsinermi suliassiissutigineqartunut tunngatillugu, angerlarsimaffimmi suliassiissutit ilanngullugit, atuartup suliai naammassisaalu pillugit allakkatigut oqaasiinnakkullu oqaaseqaatit ilusilerlugit ilinniartitsisoq nalilersuisassaaq.

Kapitali 3

Atuarfiup, angerlarsimaffiup atuartullu akornanni attaveqaqatigiinneq

§ 11. Atuarfiup angerlarsimaffiullu akornanni attaveqaqatigiinneq makku aqcutigalugit isumagineqassaaq:

- 1) atuarfiup angerlarsimaffiullu akornanni oqaloqatigiinnernik ingerlatsineq,
- 2) angajoqqaanik ataatsimiititsinerit,
- 3) nalunaarusiat, atuartitsinerup ingerlanneqarneranik paasissutissat, ilassutaasumik oqaaseqaatit angusaasullu tunngavigalugit karakterit pillugit angerlarsimaffimmut allakkatigut nalunaarutit, aamma
- 4) angajoqqaat piumasaqareernerisigut akuersereernerisigulluunniit angerlarsimaffimmut pulaarnerit.

§ 12. Atuarfiup angerlarsimaffiullu akornanni oqaloqatigiinnerit atuartumit, atuartup angajoqqaavinit, tassunga ilanngullugit angajoqqaarsianit imaluunniit atuartumik isumaginnittunit allanit, ilinniartitsisinillu peqataaffigineqartumik minnerpaamik ukiumut marloriarluni ingerlanneqartassapput.

Imm. 2. Atuarfiup angerlarsimaffiullu akornanni oqaloqatigiinnerit atuartup iliuusissat pilersarusiai aallaavigalugit ingerlanneqartassapput, angajoqqaallu, tassunga ilanngullugit angajoqqaarsianit imaluunniit atuartumik isumaginnittunit allanit, ilaatigut atuartitsissutini ilikkagassat anguniagassat aamma ingerlaavartumik naliliinermi tunngavigineqartut angusaasullu pillugit paasissutissinneqartassallutik. Oqaloqatigiinnissat erseqqinnerusumik angajoqqaallu ataasiakkaat, tassunga ilanngullugit angajoqqaarsianit imaluunniit atuartumik isumaginnittunit allanit, isumaqatigiissutigineqartassapput, tassunga ilanngullugit imarisassaat, piffissaq sumiiffissarlu; ataatsimiinnissaq sioqqulluarlugu angajoqqaat pingaartillugu oqaloqatigiissutigiumasaminnik kikkunnillu oqaloqateqarusunnerminnik kissaateqarnissaminnut periarfissaqassapput.

§ 13. Ukiup atuarfiusup aallartinnerani atuaqatigiit angajoqqaavinit ataatsimiititsisoqartassaaq. Taassuma saniatigut ukiup atuartitsiviusup ingerlanerani angajoqqaat ataatsimiitinneqartarsinnaapput.

§ 14. Atuarfiup atuartoq nalunaarusiamik, atuartitsinerup ingerlanneqarneranik paasissutissanik, ilassutaasumik oqaaseqaatinik immaqalu angusat tunngavigalugit karakterinik minnerpaamik ukiumut marloriarluni, novembarimi decembarimiluunniit aammalu maajimi juunimiluunniit, atuartut tunisassavai.

Imm. 2. Atuarfiulli 10. klassimi atuartut nalunaarusiamik, atuartitsinerup ingerlanneqarneranik paasissutissanik, ilassutaasumik oqaaseqaatinik angusallu tunngavigalugit karakterinik novembarimi decembarimiluunniit aammalu aprilimi maajimiluunniit tunisassavai.

Imm. 3. Ingerlaavartumik naliliineq naapertorlugu atuartup ilikkariartornera, sulinera il.il. kiisalu tamatigut inerikkiartornera ernumanartoqartutut isummerfiusimappata atuarfik angerlarsimaffimmut

nalunaaruteqartassaaq, atuarfiup angerlarsimaffiullu ataatsimoorlutik atuartup atugarisai taamaaliornikkut pitsanngorsaaviginiassammatigik.

Kapitali 4

Uppernarsaasiineq

§ 15. Atuartup atuartitsinermik pissarsineranut uppernarsaasiinermi ilinniartitsisuisa nalilersueriaatsit makkua atussavaat:

- 1) nalunaarusiaq,
- 2) atuartitsinerup ingerlanneqarneranik paasissutissat,
- 3) ilassutaasumik oqaaseqaatit immaqalu
- 4) angusat tunngavigalugit karakterit.

Imm. 2. Atuartitsinerup ingerlanneqarneranik paasissutissat minnerpaamik makkuninnga imaqassapput:

- 1) piffissami pineqartumi akunnerit atuartitsiviusussatut pilersaarutaasut amerlassusaat,
- 2) piffissami pineqartumi akunnerit atuartitsiviusimasut amerlassusaat, aammalu
- 3) atuartup atuariatortarsimaneranut paasissutissat.

§ 16. Ilinniartitaanermut Naalakkersuisoqarfik angerlarsimaffimmut nalunaarutit pillugit ilitsersuutininik, nalunaarusiat atorneqartarnissaannik karakteriliinermilu najoqqutassanik nassiussisinnaavoq.

Nukarliit atuarfiat

§ 17. 1. klassimi atuortoq nalunaarusiamik, atuartup ilikkagassatut anguniagassanut sanilliullugu atuartitsissutaasuni piginnaasaqassusianik ataatsimut nalilersuutaasumik, atuartitsinerup ingerlanneqarneranik ilassutaasumillu oqaaseqaatinik imalimmik pissaaq.

§ 18. 2. aamma 3. klassimi atuortoq nalunaarusiamik, atuartitsinerup ingerlanneqarneranik paasissutissanik ilassutaasumillu oqaaseqaatinik pissaaq.

Imm. 2. Atuortoq atuartitsissutini atuartitsissutinilu qanitariissuni ukunani tamani nalunaarusiamik pissaaq:

- 1) kalaallisoornermi,
- 2) qallunaatoornermi,
- 3) inuiaqatigiilerinermi,
- 4) upperisalerinermi isumalioqqissaarnermilu,
- 5) matematikkimi,
- 6) pinngortitalerinermi,
- 7) inuttut inerikkiartornermi aamma
- 8) sumiiffinni toqqagassani.

§ 19. 3. klassimi maajimi juunimiluunniit nalunaarusiap suliarineqarneranut atugassamik atuartut:

- 1) kalaallisut, qallunaatut matematikkimilu allattariarsorlutik misilitsissapput, kiisalu
- 2) nammineq suliaminnik saqqummiussissallutik.

Imm. 2. Ilinniartitaanermut Naalakkersuisoqarfik ukiut tamaasa 1. decembari nallertinnagu aalajangiisinnaavoq atuartut allattariarsorlutik atuartitsissutit ukua ilaannik ataatsimik misilitsissasut: Inuiaqatigiilerineq, upperisalerineq isumalioqqissaarnerlu, pinngortitalerineq imaluunniit inuttut inerikkiartorneq. Ilutigitillugu Ilinniartitaanermut Naalakkersuisoqarfik aalajangiisinnaavoq imm. 1, nr. 1-imi atuartitsissutit taaneqartut ilaanni ataatsimi misilitsittoqassanngitsoq.

Imm. 3. Atuartup atuartitsissutini atuartitsissutinilu qanitariissuni, allattariarsorluni misilitsiffiunngitsuni sumiiffinnilu ataasiakkaani toqqagassani sammisami ataatsimi, atuartup nammineq aalajangigaani, nammineerluni suliani saqqummiutissavai.

Imm. 4. Allattariarsorluni misilitsinneq nammineerlunilu suliamik saqqummiussineq pisassaaq piffissami marsimiit maajimut.

Akulliit atuarfiat

§ 20. Akullerni atuartitsinermi atuartoq nalunaarusiamik, atuartitsinerup ingerlanneqarneranik paasissutissanik ilassutaasumillu oqaaseqaatinik pissaaq.

Imm. 2. Atuartoq atuartitsissutini atuartitsissutinilu qanitariissuni ukunani tamani nalunaarusiamik pissaaq:

- 1) kalaallisoormi,
- 2) qallunaatoormi,
- 3) tuluttoormi,
- 4) inuiaqatigiilerinermi,
- 5) upperisalerinermi isumalioqqissaarnermilu,
- 6) matematikkimi,
- 7) pinngortitalerinermi aamma
- 8) inuttut inerikkiartornermi.

Imm. 3. Atuartitsissutini sumiiffinni ataasiakkaani toqqagassani atuartoq nalunaarusiamik ukununnga immikkut tamanut tunngasumik pissaaq:

- 1) assassorneq ilusilersuinerlu,
- 2) eqqumiitsuliorneq illussanillu titartaaneq,
- 3) timersorneq silamilu inuuneq aamma
- 4) nipilersorneq, erinarsorneq, aalaatsit isiginnaartitsinerlu.

Imm. 4. Imm. 3-mi atuartitsissutinik taaneqartunik atuartoq atuartinneqarsimanngippat tamanna allassimassaaq.

§ 21. 7. klassimi maajimi juunimiluunniit nalunaarusiap suliarineqarneranut atugassamik atuartut:

- 1) allattariarsorlutik kalaallisut, qallunaatut, tuluttut matematikkimilu misilitsissapput, kiisalu
- 2) aalajangersimasumik sammisaqarlutik suliaqassapput saqqummiutissallugulu.

Imm. 2. Ilinniartitaanermut Naalakkersuisoqarfik ukiut tamaasa 1. decembari nallertinnagu aalajangiisinnaavoq atuartut allattariarsorlutik atuartitsissutit ukua ilaannik ataatsimik misilitsissasut: Inuiaqatigiilerineq, upperisalerineq isumalioqqissaarnerlu, pinngortitalerineq imaluunniit inuttut inerikkiartorneq. Ilutigitillugu Ilinniartitaanermut Naalakkersuisoqarfik aalajangiisinnaavoq imm. 1, nr. 1-imi atuartitsissutit taaneqartut ilaanni ataatsimi misilitsittoqassanngitsoq.

Imm. 3. Atuartut aalajangersimasumik sammisaqarluni suliaq suliaralugulu saqqummiutissavaat, atuartitsissutiniq atuartitsissutiniluunniit qanitariissunik arlalinnik imaqartussa.

Imm. 4. Aalajangersimasumik sammisaqarluni suliap suliarinera saqqummiunneralu allattariarsorlunilu misilitsinnerit piffissami marsimiit maajimut ingerlanneqassapput.

Angajulliit atuarfiat

§ 22. Angajullerni atuartitsinerup atuartoq nalunaarusiamik, atuartitsinerup ingerlanneqarneranik paasissutissanik, ilassutaasumik oqaaseqaasianik angusallu tunngavigalugit karakterinik pissaaq.

Imm. 2. Atuartoq oqaluttariarsorluni angusat pillugit nalunaarusiamik angusallu tunngavigalugit karakterimik aammalu allattariarsorluni angusat tunngavigalugit karakterimik atuartitsissutini ukunani tamani immikkut pissaaq:

- 1) kalaallisoornermi,
- 2) qallunaatoornermi,
- 3) tuluttoornermi aamma
- 4) matematikkimi.

Imm. 3. Atuartoq atuartitsissutini ukunani tamani angusat tunngavigalugit karakterimik pissaaq:

- 1) kalaallisoornermi,
- 2) qallunaatoornermi,
- 3) tuluttoornermi aamma
- 4) matematikkimi.

Imm. 4. Atuartoq atuartitsissutini ukunani tamani nalunaarusiamik angusallu tunngavigalugit karakterimik pissaaq:

- 1) inuttut inerikkiartornermi
- 2) inuiaqatigiilerinermi
- 3) upperisalerinermi isumalioqqissaarnermilu aamma
- 4) allamiut oqaasiisa pingajuini, atuartoq atuartitsissummut taamaattumut ilaaniarluni nalunaarsimappat.

Imm. 5. Pinngortitalerinerup atuartoq nalunaarusiamik ataatsimik immikkullu angusat tunngavigalugit karakterimik ataatsimik atuartitsissutini ukunani pissaaq:

- 1) fysik/kemiimi,
- 2) uumassuseqartulerinerup aamma
- 3) pinngortitaleriffiusumik nunalerutini.

Imm. 6. Atuartitsissutini qanitariissuni sumiiffinni ataasiakkaani toqqagassani atuartoq nalunaarusiamik ataatsimik angusallu tunngavigalugit karakterimik ataatsimik sammisani ukunani tamani atuartitsissutit siunertaanni taaneqartuni pissaaq:

- 1) assasornermi ilusilersuinermilu,
- 2) eqqumiitsuliornermi illussanillu titartaanermi,
- 3) timersornermi silamilu inuunerup aamma
- 4) nipilersornermi, erinarsornermi, aalaatsini isiginnaartitsinermilu.

Imm. 7. Atuartoq imm. 5-imi atuartitsissummi ataatsimi arlalinniluunniit taaneqartuni atuartinneqarsimanngippat nalunaarneqassaaq.

Kapitali 5

Angusat tunngavigalugit karakterit

§ 23. Angusanut tunngatillugu karakteriliinermi Greenlandic Grading System-skala (GGS skala) una atorneqassaaq:

A: Naammassisamut pitsaalluinnartumut karakteriliunneqartassaaq, atuartitsissummi anguniakkanik naammalluurtumik naammassinninnermik takutitsisumut imaluunniit annikitsuinnarnik pingaaruteqanngitsumik amigaateqartumut.

B: Naammassisamut ajunngivissumut karakteriliunneqartassaaq, atuartitsissummi anguniakkanik annertuumik naammassinninnermik takutitsisumut, annikitsumik ikittuinnarnik pingaarutilinnik amigaateqartumut.

C: Naammassisamut pitsaasumut karakteriliunneqartassaaq, atuartitsissummi anguniakkanik naammassinninnermik takutitsisumut, arlalinnik amigaateqartumut.

D: Naammassisamut ajorpallaanngitsumut karakteriliunneqartassaaq, atuartitsissummi anguniakkanik annikinnerusumik naammassinninnermik takutitsisumut, amerlasuunik amigaatilimmut.

E: Naammassisamut naammattumut karakteriliunneqartassaaq, atuartitsissummi anguniakkanik minnerpaamik akuerineqarsinnaasumik naammassinninnermik takutitsisumut.

Fx: Naammassisamut naammaginangitsumut karakteriliunneqartassaaq, atuartitsissummut anguniakkanik akuerineqarsinnaasumik takutitsinngitsumut.

F: Naammassisamut akuerineqarsinnaanngilluinnartumut karakteriliunneqartassaaq.

Kapitali 6

Nammineerluni sulianik saqqummiussineq, misilitsinnerit, aalajangersimasumik sammisaqarluni suliaqarneq il.il

Nalinginnaasut

§ 24. Atuarfiup pisortaata atuartup ilinniartitsisuiunit siunnersorneqarluni siumullu atuartup angajoqqaavi oqaloqatigereerlugit atuartoq atuartitsissummi atuartitsissutiniluunniit qanitariissuni ataatsimi arlalinniluunniit immikkut ittumik atuartitaasoq imaluunniit naammattusaammik atuartitaasoq allattariarsorluni misilitsinnermi, aalajangersimasumik sammisaqarluni suliaqarnermi imaluunniit nammineq suliaminik saqqummiussinissamut atuartup peqataannginnissaa aalajangersinnaavaa.

Imm. 2. Atuarfiup pisortaata atuartup misilitsinnginnissaa aalajangersimasumilluunniit sammisaqarluni suliaqannginnissaa aaliangersinnaavaa atuartoq atuartitsissummi atuartitsissutiniluunniit qanitariissuni pineqartuni nammineerluni suliaminik saqqummiussissappat.

§ 25. Atuarfiup pisortaata atuartup ilinniartitsisuiunit siunnersorneqarluni siumullu atuartup angajoqqaavi oqaloqatigereerlugit nukarlerni akullerniluunniit atuartup, nunanit allanit, Danmarkimit Savalimmiuniilluunniit, Kalaallit Nunaannut nuussimasup, allattarissanik misilitsinnginnissaanik aalajangiisnaavaq atuartoq misilitsinnissaq sioqqullugu minnerpaamik ukiuni atuarfiusuni marlunni

alloriarfimmi tassani ilaasimangippat.

Imm. 2. Atuarfiup pisortaata peqataanngitsoornissaq aaliangersinnaavaa atuartoq atuartsissummi atuartsissutiniluunniit qanitariissuni pineqartuni nammineerluni suliaminik saqqummiussissappat.

Nammineerluni sulianik saqqummiussineq

§ 26. Nammineerluni suliamik saqqummiussinerup takutissavaa:

- 1) atuartsissummi atuartsissutiniluunniit qanitariissuni ilikkagassatut anguniagassanut toqqakkanut tunngatillugu atuartup angusimasai kiisalu
- 2) atuartup suliaminut tunniussimassusaa ilikkagassatigullu ineriartornera.

Nukarliit akulliilluunniit atuarsianni misilitsinnerit

§ 27. Allattariarsorluni misilitsinnerit § 19, imm. 1 aamma 2-mi, aamma § 21, imm. 1 aamma 2-mi taaneqartut, Ilinniartitaanermut Pisorta qarfiimmit ingerlanneqassapput. Misilitsinnerit atuartut, angajoqqaat, tassunga ilanngullugit angajoqqaarsiat imaluunniit atuartumik isumaginnittunit allanit ilinniartitsisuihillu atuartup ilikkagassatut anguniagassanik qanoq angusaqarsimatigineranik nakkutigineqartumik nalilersuissutississavai.

§ 28. Ilinniartitaanermut Naalakkersuisoqarfiup nukarlerni akullernilu allattariarsorluni misilitsittoqarnissaa kingusinnerpaamik 1. decembari nalunaarutigissavaa. Nalunaarutigineqassaaq:

- 1) atuartut § 19, imm. 2-mi imaluunniit § 21, imm. 2-mi atuartsissutit taaneqartut misilitsiffigissaneraat, aamma atuartut § 19, imm. 1-imi imaluunniit § 21, imm. 1-imi atuartsissutit taaneqartut ilaanni ataatsimi misilitsissannginersut,
- 2) ikiuutit nalinginnaasut immikkullu ittut suut misilitsinnerni atorneqarsinnaassasut aamma
- 3) qaqugu qanorlu sivilutigisumik misilitsinnerit ingerlanneqassanersut.

Imm. 2. Misilitsinnermit inernerit Ilinniartitaanermut Naalakkersuisoqarfiimmut naliligassanngorlugit nassiunneqassapput.

Imm. 3. Ilinniartitaanermut Naalakkersuisoqarfiup misilitsinnerup ingerlanneqarnissaanut nalilersuinissamullu malittarisassat ersarinnerusut aalajangersassavai.

Aalajangersimasumik sammisaqarluni suliaqarneq

§ 29. Aalajangersimasumik sammisaqarluni suliaqarneq atuartsissutit atuartsissutilluunniit qanitariissut arlallit ilikkagassatut anguniagassartaannut tunngasuussapput.

§ 30. Klassip imaluunniit atuaqatigiiaat ilinniartitsisuisa atuartut suleqatigalugit pingaarnerutillugu sammineqartussaq ukiut tamaasa 1. februaari nallertinnagu aalajangiutissavaat. Sammisassaq ima atitutigisumik oqaasertalerneqassaaq atuartsissutit arlallit atorlugit qimerloorneqarsinnaassalluni.

Imm. 2. Pingaarnerutillugu sammineqartoq sammineqartunut annikinnernut aggulunneqarsinnaassaaq

atuartitsissutit atuartitsissutilluunniit qanitariissut arlallit imarisaannik periaasiinillu aamma atuartunut tamanut unamminartuusunik suleriaasiinik saqqummiusseriaasiinillu imaqarsinnaassalluni.

§ 31. Klassip imaluunniit atuaqatigiiaat ilinniartitsisui immaqalu ilinniartitsisut allat aalajangersimasumik sammisaqarluni suliaqarnerup ingerlanera tamaat atuartunik suliamut tunngatillugu ilitsersuissapput.

Imm. 2. Ilinniartitsisut ilitsersuinerata atuartut ataasiakkaat nammineq sapinngisatik soqutigisatillu aallaavigalugit makkununga tunngatillugu sulinissaannut periarfississavai:

- 1) sammisassap ataatsimik arlalinnilluunniit apeqqutitaqartup erseqqissarnissaanut,
- 2) aalajangersimasumik sammisaqarluni suliap imarisasaanik killiliinermut,
- 3) suleriaatsinik misissueriaatsinillu toqqaanermut atuinermullu,
- 4) atuartitsissutit arlallit imarisaannik periaasiinillu toqqaanermut atuinermullu,
- 5) najoqqutassarsiorfissanik atortussanillu toqqaanermut atuinermullu,
- 6) saqqummiusseriaasissamik toqqaanermut atuinermullu,
- 7) pilersitassamik suliaqarnermut,
- 8) saqqummiussinissap piareersarneranut saqqummiussinermullu.

§ 32. Aalajangersimasumik suliaq aallartitsinnagu nalilersuinermit suut pingaarnertinneqarumaarnerannik atuartut ilisimatinneqareertassapput.

§ 33. Atuartut ullunik atuarfiusunik tulleriinnik 3-5-inik paasissutissanik katersuinermut, sammisap suliarineranut, suliamik inaarsarnerannut suliamillu tamakkiisup saqqummiunnissaanut piareersarnerminnut atugassaannik periarfissinneqassapput.

§ 34. Aalajangersimasumik sammisaqarluni suliaq, atuarfiup periarfissiissutigisimasaasa iluanni, qanoq ilusilerlugu saqqummiussinissaanik qanorlu ilusilerlugu ingerlateqqinnissaanik atuartut namminneq qinersimasaannik suliamik naammassisamik kinguneqassaaq.

Imm. 2. Atuartut suliaminnik naammassinninnerinut uiggiutiinnaarlugu saqqummiussisoqassaaq. Saqqummiussinermut ilaatillugu ilikkagassatut anguniagassanut toqqarneqarsimasunut tunngatillugu atuartup nammineq suliani nalilersussavaa.

§ 35. Aalajangersimasumik sammisaqarluni suliaqarneq atituumik allaganngorlugu naliliiffigineqassaaq.

Imm. 2. Allaganngorlugu oqaaseqaat makkuninnga naliliinerussaaq:

- 1) suliap ilinniakkatigut imarisaata, tassunga ilanngullugit atuartitsissutit arlallilluunniit iluini atuartup tungaviusumik ilisimasaminik pikkoriffimminillu qanoq annertutigisumik takutitsinera aammalu ilinniartitsissutinik pingaarnernik tamakkiisumik isiginnissinnaanera,
- 2) sammisamik suliaqarnerup ingerlannera, tassunga ilanngullugit atuartup sammisaminik itisilerisinnaassusia, atuartup ilaminik suleqateqarnera atuartullu sammisamut tunngasumik pilersaarusiorsinnaanera, paasissutissanik katersuisinnaanera suliarinneqqissinnaaneralu,
- 3) suliaq inigaq, tassunga ilanngullugit ilusilerneru saqqummiunneqarneralu,
- 4) imarisaata atuartumit sammineqartup, atuartup suleriaasiata suliallu inikkap ilusilernerata saqqummiunneqarneratalu ataqatigiinnerat.

Imm. 3. Aalajangersimasumik sammisaqarluni suliaq ilinniartitsisunit nalilersuiffigineqareersimassaaq kingusinnerpaamik saqqummiussinermiit sap.ak. marluk

qaangiutsinnagit.

Kapitali 7

Napparsimaneq il.il.

§ 36. Nukarlerni atuortoq napparsimanini allamilluunniit peqquteqarluni, tassunga ilanngullugit ilaatigut sila ilaqtariinnermiluunniit pissutsit, piffissaliussaq eqqorlugu nammineq suliaminik saqqummiussisinnaangippat, tamanna pillugu ukioq atuarfiusoq naatinnagu nutaamik piffissaliisoqassaaq.

§ 37. Nukarlerni akullerniluunniit atuortoq napparsimanini allamilluunniit peqquteqarluni, tassunga ilanngullugit ilaatigut sila ilaqtariinnermiluunniit pissutsit, allattariarsorluni misilitsissinnaangikkuni, sapinngisaaq naapertorlugu periarfissaaq siulleq atorlugu ukiorlu atuarfiusoq naatinnagu misilitsissaaq.

§ 38. Nukarlerni akullerniluunniit atuortoq allattariarsorluni misilitsinnissamut inortuippat inortuinalu ima sivikitsigisimappat suliaassaq pillugu ilitsersuutit pisariaqartut atuaqatini peqatigalugit pissarsiarisinnaallugit, atuarfiup pisortaata atuartup misilitseqataanissaa akuerisinnaavaa.

Imm. 2. Imm. 1-imi piunasaqaatit naammassineqarsimangippata, § 37 taamatutaaq atuutissaaq.

§ 39. Nukarlerni akullerniluunniit atuortoq qularutissaanngilluinnartumik unioqutitsilluni allattariarsorluni misilitsinnermi ikiortissimappat, atuartup misilitsinnermi suliaa atortussaatinneqassanngilaq.

Imm. 2. Atuortoq allattariarsorluni misilitsinnermi unioqutitsilluni ikiortissimappat, § 37 taamatutaaq atuutissaaq.

§ 40. Akullerni atuortoq napparsimanini allamilluunniit peqquteqarluni, tassunga ilanngullugit ilaatigut sila ilaqtariinnermiluunniit pissutsit, aalajangersimasumik sammisaqarluni suliamut tamakkiisumik ilaannakortumilluunniit peqataanngippat suliaalu ima annikitsigippat immikkut nalilerneqarsinnaanani, atuortoq tamatumunnga taarsiullugu atuartitsissummi/-tini atuartitsissutiniluunniit qanitariissuni tassani/taakkunani aalajangersimasumik sammisaqarluni suliaqarnermi sammineqartumik, nammineq suliaminik saqqummiussissaaq.

§ 41. Akullerni atuortoq napparsimanini allamilluunniit peqquteqarluni, tassunga ilanngullugit ilaatigut sila ilaqtariinnermiluunniit pissutsit, sammisaqarluni suliamik pilersaarutaasut malillugit saqqummiussinnermut tamakkiisumik ilaannakortumilluunniit peqataanngippat suliaalu ima annikitsigippat immikkut nalilerneqarsinnaanani, atuortoq tamatumunnga taarsiullugu periarfissaaq siulleq atorlugu ukiorlu atuarfiusoq naatinnagu saqqummiussissaaq.

Kapitali 8

Nalunaarusiat il.il. toqqortarineqarnerat

§ 42. Atuarfiup nalunaarusiap, angusat tunngavigalugit karakterit atuartitsinerullu ingerlanneqarsimanera pillugu paasissutissat assilineri atuartup atuarfimmit anineranit ukiuni tallimani

toqqortarissavai.

Imm. 2. Atuartup atuarfimmit aninerata kingorna angusat tunngavigalugit karakterit allattorsimaffiat atuarfimmi toqqortarineqassaaq.

Kapitali 9

Atuutilersitsineq

§ 43. Nalunaarut atuutilerpoq 1. august 2009.

Imm. 2. Peqatigisaanik Atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaat 3, 27. januar 2006-imeersoq atorunnaarpoq.

Namminersornerullutik Oqartussat, ulloq 9. januar 2009

.

Tommy Marø

/

Lise Lennert Olsen